

**Jismoniy shaxslar uchun AQSH dollaridagi  
“Qulay sarmoya” muddatli bank omonati  
SHARTNOMASI**

20 \_\_ yil “\_\_” \_\_\_\_\_ № \_\_\_\_\_ shahri

“Trastbank” xususiy aksiyadorlik bankining \_\_\_\_\_ **filiali**  
(keyingi o‘rinlarda – Bank) boshqaruvchisi \_\_\_\_\_ **Nizom**  
**va Ishonchnoma asosida faoliyat yuritib, bir tomondan, va**

\_\_\_\_\_ (keyingi o‘rinlarda – Omonatchi),  
ikkinchi tomondan, mazkur Shartnomani quyidagilar to‘g‘risida tuzdik.

**1-§. Shartnoma predmeti**

1. Bank Omonatchining \_\_\_\_\_ (\_\_\_\_\_ ) AQSH dollaridagi pul  
(so‘z bilan yoziladi)

mablag‘ini qabul qildi va uni 20606840..... omonat hisobvarag‘iga omonat shartlariga muvofiq joylashtirdi.

2. Omonatchiga \_\_ **seriyali** \_\_\_\_\_-son Omonat daftarchasi ochildi va unda yuqorida ko‘rsatilgan hisobvaraqqa kirim qilingan omonat qiymati va boshqa tegishli ma’lumotlar o‘rnatilgan tartibda aks ettiriladi.

**2-§. Omonat shartlari va hisob-kitoblar tartibi**

3. Omonat muddati 18 oy, ya’ni omonatga pul mablag‘i qo‘yilgan sana: 20 \_\_ yil  
“\_\_” \_\_\_\_\_, omonatni qaytarish sanasi: 20 \_\_ yil “\_\_” \_\_\_\_\_ .

4. Omonatga yilda 365 kun hisobidan yillik 7,5 foizlik stavkada daromad hisoblanadi.

5. Ushbu Shartnoma bo‘yicha jalb qilingan omonatning foiz stavkasi uning muddati tugagunga qadar o‘zgarmaydi.

6. Omonatchi omonatga dastlabki 12 oy davomida qo‘shimcha badal kiritishi mumkin.

7. Omonat muddati davomida omonatning bir qismini olish ko‘zda tutilgan. Bunda omonatdagi mablag‘ qoldig‘i 500 (besh yuz) AQSH dollaridan kam bo‘lmasligi lozim.

8. Omonat bo‘yicha foiz omonat Bankka qabul qilingan kunning keyingi sanasidan boshlab omonatni Omonatchiga qaytarib beriladigan sanasigacha hisoblanadi.

Omonatchining omonat hisobvarag‘i xatlanganligi oqibatida Bank omonatdagi pul mablag‘idan foydalana olmagan davr uchun foiz hisoblanmaydi.

9. Omonat bo‘yicha foiz har oyda omonat qabul qilingan chet el valyutasida to‘lanadi.

Agar omonat foizi bo‘yicha omonatchiga to‘liq qiymatda emas, balki qoldig‘ida sent bo‘lgan foiz hisoblangan bo‘lsa, Bank sentni uning milliy valyutadagi ekvivalentida (O‘zbekiston Respublikasi Markaziy bankining operatsiya amalga oshirilgan kundagi kursi bo‘yicha) to‘lab beradi.

Agar omonatchi O‘zbekiston Respublikasi norezidenti bo‘lsa, uning omonati bo‘yicha to‘lanadigan foiz (daromad) qiymatidan O‘zbekiston Respublikasi Soliq kodeksining 382-moddasiga muvofiq 10% miqdorida Bank tomonidan soliq ushlab qolinadi.

10. Omonat muddati tugagandan so‘ng omonat omonatchiga qaytariladi.

Agar omonatni qaytarish dam olish yoki bayram kuniga to‘g‘ri kelsa, omonat keyingi bank ish kunida qaytarib beriladi.

11. Omonatchi omonatni muddati tugamasdan to‘liq qaytarmoqchi bo‘lsa, u bu haqda Bankni omonatni olishni mo‘ljallagan sanadan kamida bir oy oldin ogohlantiradi. Bunda Shartnomaning amal qilishi to‘xtatiladi, omonat muddatidan oldin qaytariladi va mablag‘ning omonatda haqiqatda saqlangan kuniga qarab quyidagi tartibda foiz hisoblanadi va to‘lanadi:

a) mablag‘ omonat 6 oygacha saqlangan bo‘lsa, yillik 4,5 (to‘rt yarim) foiz;

b) mablag‘ omonat 6 oydan 12 oygacha saqlangan bo‘lsa, yillik 5,5 (besh yarim) foiz;

d) mablag' omonat 12 oydan 18 oygacha saqlangan bo'lsa, yillik 6,5 (olti yarim) foiz.

Bunda omonat mablag'idan to'langan foiz bilan hisoblangan foiz o'rtasidagi farq ushlab qolinadi.

12. Omonatchi omonat muddati tugagandan keyin omonatni qaytarib olmasa, mazkur Shartnoma talab qilib olinguncha saqlanadigan omonat shartlari asosida uzaytirilgan hisoblanadi, keyingi amaliyot kunida uning uchun talab qilib olinguncha saqlanadigan omonat hisobvarag'i ochiladi. Omonat va u bo'yicha hisoblangan foiz, ushbu kundan boshlab, Omonatchining talab qilib olinguncha saqlanadigan omonat hisobvarag'idagi shaxsiy hisobvaraqa o'tkaziladi.

### **3-§. Tomonlarning huquq va majburiyatlari**

13. Bank Omonatchidan O'zbekiston Respublikasi qonun hujjatlariga muvofiq omonatni rasmiylashtirishda taqdim etilishi zarur bo'lgan hujjatlarni talab qilish va olish huquqiga ega.

14. Bank quyidagi majburiyatlarni o'z zimmasiga oladi:

a) omonatni, Bankni kamida bir oy oldin ogohlantirgan holda muddatidan oldin qaytarish so'ralganda, qaytarib berish;

b) omonatni sir saqlash va u bo'yicha ma'lumotlarni faqat O'zbekiston Respublikasi qonun hujjatlarida ko'zda tutilgan hollarda taqdim etish;

d) Omonatchining omonat hisobvarag'i bo'yicha amaliyotlar Bank tomonidan to'xtatib qo'yilganda, amaliyot to'xtatilgan sanadan boshlab keyingi ish kunidan kechiktirmagan holda Omonatchiga uning omonat hisobvarag'iga xizmat ko'rsatish to'xtatilganligi va uning sababi yuzasidan xabarnoma yuborish;

e) Omonatchining kredit va mikroqarz bo'yicha qarzdorligini so'ndirish uchun uning omonat hisobvarag'idan mablag' Bank tomonidan Omonatchining topshirig'isiz hisobdan chiqarilganda, mablag' hisobdan chiqarilgan sanadan boshlab keyingi ish kunidan kechiktirmagan holda Omonatchiga uning omonat hisobvarag'idan qancha miqdordagi mablag' qanday sababga asosan va kimning foydasiga chiqarilganligini ko'rsatgan holda xabarnoma yuborish.

15. Omonatchi quyidagi huquqlarga ega:

a) omonatni ishonchli vakili orqali ham tasarruf etish;

b) omonatni O'zbekiston Respublikasi qonun hujjatlariga muvofiq har qanday shaxsga vasiyat qilish.

16. Omonatchi quyidagi majburiyatlarni o'z zimmasiga oladi:

a) shaxsini tasdiqlovchi hujjat ma'lumotlari o'zgariganda o'zgarish sanasidan boshlab 10 kun ichida Bankka yozma xabar berish;

b) Bank tomonidan O'zbekiston Respublikasi qonun hujjatlariga muvofiq so'ralgan barcha hujjatlarni Bankka taqdim etish.

### **4-§. Tomonlarning javobgarligi**

17. Tomonlar mazkur Shartnoma bo'yicha majburiyatlarni bajarmaganliklari uchun O'zbekiston Respublikasi qonun hujjatlariga muvofiq javobgarlikka tortiladi.

### **5-§. Alohida shartlar**

18. Ushbu Shartnoma omonat mablag'i Bank kassasiga qabul qilingan yoki omonat hisobvarag'iga tegishli mablag' naqd pulsiz shaklda kelib tushgan kundan boshlab kuchga kiradi.

19. Mazkur Shartnoma 14-bandining "d" va "e" kichik bandlarida nazarda tutilgan xabarnomalar Omonatchiga mobil telefoniga [phone\_mobile] SMS yuborish orqali topshiriladi.

19. Bank mazkur Shartnoma shartlariga Omonatchining huquq va qonuniy manfaatlariga daxl qiladigan o'zgartirishlarni bir tomonlama kiritishga haqli emas.

20. "Banklardagi omonatlarni himoya qilish kafolatlari to'g'risida"gi O'zbekiston Respublikasi Qonuniga (2025-yil 18-fevraldagi O'RQ-1031) muvofiq jismoniy shaxslarning omonatlari kafolatlarga bo'ysunadi. Kafolatlangan hodisa yuz bergan taqdirda, omonatchi bitta bankdan qonun bilan belgilangan quyidagi miqdorlarda kompensatsiya olish huquqiga ega:

a) agar uning miqdori ikki yuz million so‘m yoki undan kam bo‘lsa, kafolatlangan aktivning to‘liq qoldig‘i;

b) kafolatlangan aktivning qoldig‘i ikki yuz million so‘mdan oshsa, ikki yuz million so‘m.

21. Mazkur Shartnomada nazarda tutilmagan boshqa barcha hollar uchun O‘zbekiston Respublikasi qonun hujjatlari normalari qo‘llaniladi.

22. Tomonlar barcha kelishmovchilik va nizolarni muzokara yo‘li bilan hal etadi. Muzokara natijasida tomonlar o‘zaro kelishuvga erisha olmagan taqdirda nizo O‘zbekiston Respublikasi qonun hujjatlariga muvofiq sudda ko‘rib chiqiladi.

23. Shartnoma bir xil yuridik kuchga ega bo‘lgan ikki nusxada tuzildi, uning bir nusxasi Bankda, ikkinchi nusxasi Omonatchida saqlanadi.

#### 6-§. Tomonlarning pochta manzili va rekvizitlari

Bank:	Omonatchi:
Manzili: _____	_____
Tel.: _____ <b>Bank kodi:</b> _____	Manzili:
Bank hisobvarag‘i: _____	Tel.:
Boshqaruvchi: _____	Shaxsni tasdiqlovchi hujjat ma’lumotlari:
(muhr o‘rni)	JSHSHIR:
	_____
	(imzo)